

parce ramosis, foliis fere omnibus radicalibus obovatis vel oblongis dentatis vel inferne pinnatifidis, ramulis et pedunculis capillaribus ante anthesin nutantibus, capitulis minutis, involucri phyllis externis breviter et tenuiter subulatis internis glabris vel dorso parce setulosis, acheniis oblongis striatis in rostrum tenue achenio ipso dimidio brevius attenuatis, receptaculo glabro ☉.

Hab. in collibus regionis inferioris et montanæ Cretæ ad Akrotiri et Aradhena (Raul! Noë exs. sub *B. bellidifoliâ*!).

Caules 2-4-pollicares, capitula magn. *C. neglectæ* vel minora; huic affinis sed distincta acheniis in rostrum duplo tenuius longiusque abeuntibus. *C. Suffreniana* differt caulibus crassioribus rigidis inferne valde scabris, pedunculis non capillaribus, acheniis duplo longioribus; *C. bellidifolia* et *leontodontoides* radice bienni.

47. **C. pterothecoides**, crebre et breviter papilloso-glandulosa, caulibus humilibus tenuibus a parte inferiori dichotomis, foliis radicalibus rosulatis parvis obovato-oblongis breviter petiolatis dentatis vel runcinatis, caulinis præter inferius amplexicaule anguste lanceolatum dentatum ad dichotomias lineari-setaceis, pedunculis elongatis breviter piloso-glandulosis, capitulis mediocribus fructiferis cylindricis, involucri breviter glanduloso-hirti phyllis externis triplo brevioribus adpressis triangulari-lanceolatis interioribus facie internâ glabris, acheniis elongatis tenuiter et obsolete striatis externis brevius internis a parte dimidiâ sensim attenuato-rostratis, pappo niveo achenium non superante ☉.

Hab. in glareosis saxosis montosis Garbi Antilibani supra Zehdani 5000' (Ky. 33!).

Facies omnino *Pterothecæ Nemausensis* vel *bifidæ*, sed receptaculum non piliferum. Scapi 4-6-pollicares, folia radicalia 1-1½-pollicaria, involucri fructiferum sex lineas longum, achenia 3-3½ longa.

48. **C. fallax**, parce et patule pilosula, caule erecto foliato stricte ramosissimo ramis laxè cymosis, foliis teneris viridibus lyrato-pinnatifidatis segmento terminati ovato-cordato obtusiusculo lateralibus basi confluentibus triangularibus retrorsis acutis, radicalibus in petiolum attenuatis caulinis subsessilibus et sessilibus basi sagittatis, bracteis herbaceis lineari-subulatis, capitulis mediocribus, pedunculis virgineis cernuis, involucri fructiferi sub apice valde constricti phyllis externis lineari-subulatis tandem patentibus glabris, internis quadruplo longioribus dorso demum carinato setis mollibus glandulosis et eglandulosis hispidis, acheniis marginalibus phyllis inclusis scabridis sensim attenuatis erostribus, cæteris in rostrum tenue triplo longius attenuatis, pappo niveo involucri multo superante ②.

Hab. in Anatoliæ australis maritimæ montosis prope Anamour (Péronin!).

Planta 1½-3-pedalis inter *C. setosam* et *fætidam* facie intermedia, a priori pedunculis cernuis, capitulis majoribus, involucri setis tenuibus nec aculeiformibus, acheniis difformibus longius rostratis distincta, posteriori magis affinis sed distincta foliis teneris glabrescentibus, capitulis minoribus, involucri



fructifero apice valde constricto, phyllis externis glabris patentibus nec adpressis ciliato-asperis, acheniis brevioribus. Receptaculum omnino epaleaceum quo et fere unico caractere a *Rodigiâ commutatâ* simillimâ distinguitur.

49. **C. foetida** (L. Sp. 1133) caule erecto foliato a parte inferiori vel superne ramoso ramis erecto-patulis laxè 1-4-cephalis, foliis plus minusve hirsutis interdum glandulosis sæpe crebre setuloso-asperis inferioribus in petiolum attenuatis runcinato-pinnatifidis partitisve interdum sublyratis rarius sinuato vel repando-dentatis, caulinis basi incisâ biauriculatis oblongis vel lanceolatis, pedunculis elongatis ante anthesin cernuis, capitulis majusculis. involucri cano-tomentoso vel plus minus longe et crebre setoso pilis brevioribus glandulosis sæpe intermixtis, phyllis exterioribus adpressis lanceolatis internis triplo longioribus dorso demum obtuse carinatis induratis, acheniis externis teretibus vix striatis sensim subattenuatis erostribus, internis striatis scabridulis in rostrum tenuè eis longius involucri superans vel æquilongum abeuntibus ☉ Ic. Engl. Bot. tab. 406. Rehb. t. 83. — *Barckhausia foetida* D.C. Fl. Fr. — *B. glandulosa* Presl Sic. p. 31. — *B. graveolens* Link Enum. p. 290.? — *B. Byzantina* D.C. Prodr. VII, p. 158. — *Barck. hirta* C. Koch Linn. XXIII, p. 687!

Hab. in ruderatis, cultis et collinis totius ditionis, Græcia in Laconiâ ad radices Taygeti (Sart!), Atticâ (Heldr!), Thessaliâ ad radices Olympi (Orph!), Macedoniâ et Thraciâ (Griseb!), Byzantii (Sibth., Auch! Noë!), Anatoliâ in Lydiâ et Cariâ (Boiss!), Lyciâ (Bourg!), Lycaoniâ (Heldr!), Syriâ boreali et Mesopotamiâ ad Orfa (Haussk!).

*β. rheadifolia.* — Folia magis dissecta, rostrum acheniorum interiorum involucri æquans aut subbrevius. — *B. rheadifolia* M.B. Taur. Cauc. II. p. 259. — *Crepis rodigioides* Sch. Bip. in Ky. pl. Alepp. exs. et Phyt. Canar. III, 457. — *Barck. Zacynthia* Marg. et Reut. Fl. Zac. p. 62. — *Crepis interrupta* Sibth. Fl. Gr. IX, p. 2, tab. 803 (forma humilior a collo ramosa).

Hab. in Cretâ (Sibth.), Zacyntho (Marg!), Græciâ in Atticâ (Boiss!), Macedoniâ et Thraciâ (Griseb!), Anatoliâ meridionali et centrali (Bal!), Syriâ ad Aleppo (Ky. exs. 178!), Libano usque ad Eden (Bl!), Tauriâ, Caucaso et Transcauciâ (Ledeb., Rupr!), Persiâ boreali (Buhse!).

*γ. maritima.* — Radix perennans verticalis elongata collo pluricipiti, caulibus humilibus ascendentibus parce ramosis vel monocephalis. Folia ut in typo pinnatipartita lyrata vel dentata. — *Crepis radicata* Fl. Græca VIII, p. 74, tab. 800. — *Barck. triangularis* C. Koch Linn. XXIII, p. 686.

Hab. in arenosis maritimis Thessaliæ ad Caterine (Orph!), Ponti Euxini ad Phanar (Sibth.), Ponti Lazici ad Rhizé (Bal!), Guriae inter Poti et Hagios Nicolaos (Rupr!).

Planta polymorpha ex quâ botanici species plures valde instabiles cõdiderunt; varietates hic enumeratæ sunt potius formæ altera in alteram transeuntes. Cl. Schultz Bipontinus *C. rodigioidi* suæ pedunculos virgineos rectos tribuit et hâc notâ eam a *C. foetidâ* sejungit sed in eâ quoque capitula juniora nutantia video.